

A Mesa do Parlamento, na súa sesión do día 17 de xullo de 2024, adoptou os seguintes acordos:

PUNTO 2.º- COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO

5. Valedor do Pobo

5.1. Actualización das asignacións económicas da Valedora e Vicevaledora dende o 1 de xuño de 2024.

O 27/06/2024 publicouse no BOE o Real Decreto lei 4/2024, do 26 de xuño, polo que se prorrogan determinadas medidas para afrontar as consecuencias económicas e sociais derivadas dos conflitos en Ucraína e Oriente próximo e adóptanse medidas urxentes en materia fiscal, enerxética e social. A exposición de motivos parte da situación de prórroga dos Orzamentos xerais do Estado de 2023, motivo polo que o Goberno do Estado opta por esta vía normativa para autorizar un incremento máximo global do 2% das retribucións do persoal ao servizo do sector público en relación coas vixentes a 31/12/2023.

A Lei 9/2023, de orzamentos xerais da Comunidade Autónoma de Galicia para 2024 (LOXCAG) establece no seu artigo 11 as bases da actividade económica en materia de gastos de persoal, considerando para estes efectos parte do sector público autonómico aos órganos estatutarios de Galicia, sen prexuízo do disposto no artigo 12.2 do Estatuto de Autonomía de Galicia. Esta Lei de orzamentos regula no seu artigo 18 as retribucións dos altos cargos e persoal directivo, aplicándosele o previsto na normativa estatal nese momento. A disposición adicional oitava desta lei contempla a adaptación do réxime e das condicións retributivas do persoal ao servizo do sector público autonómico ao establecido na normativa básica estatal, de xeito que, de haber incrementos das retribucións do persoal pola Administración Xeral do Estado, estes aplicaríanse na súa porcentaxe máxima ás retribucións recollidas na LOXCAG.

Así as cousas, as actualizacións previstas polo RD. Lei 04/2024 e a lei 9/2023 incluírán os devanditos incrementos para os cargos da AGE e Administración autonómica.

Asemade, cómpre ter en conta que a Mesa do Parlamento en sesión do 18/06/2024 fixou os emolumentos económicos correspondentes aos membros da cámara – que son as anteriores cunha suba do 5,5%- con efectos do 01 de xuño de 2024 e con intención de acompañarse en diante coas actualizacións aplicables ao persoal do sector público.

Actualmente as asignacións económicas da Valedora e Vicevaledora igual que para os deputados do Parlamento de Galicia son as adoptadas pola Mesa do Parlamento.

Polo exposto, ao abeiro do Real Decreto Lei 04/2024 mencionado e do previsto na Lei 9/2023, de orzamentos xerais da Comunidade Autónoma de Galicia, logo da proposta formulada pola Presidencia, á Mesa adopta o seguinte ACORDO:

- 1º) Con efectos do 01/06/2024, incrementar nun 7,5 % os conceptos económicos dos cargos de Valedora e Vicevaledora. Esta actualización será executada na nómina de xullo-agosto 2024.
- 2º) Comunicarlles este acordo á Intervención Xeral e Asuntos Económicos e ao Valedor do Pobo.

Santiago de Compostela, 18 de xullo de 2024

Miguel Angel
Santalices Vieira,
Presidente

Firmado digitalmente por Miguel Angel
Santalices Vieira, Presidente
Nombre de reconocimiento (DN): cn=Miguel
Angel Santalices Vieira, Presidente,
email=miguel.angel.santalices.vieira@parlam
entodegalicia.es
Fecha: 2024.07.18 13:59:31 +02'00'

Miguel Ángel Santalices Vieira
Presidente

Valedor do Pobo



Asinado dixitalmente por:

Miguel Angel Santalices Vieira, Presidente na data 18/07/2024 13:59:31



PARLAMENTO DE GALICIA
REXISTRO XERAL SAÍDA
Data asento: 19/07/2024 10:58:22
Nº Rexistro: 1888
Data envío: 19/07/2024 10:58:22.796

CSV: REXISTRO-Kq4HjCZKE-9
Verificación:
<https://sede.parlamentodegalicia.gal/tramites/csv/>

